



日日春

我是一檔日日春，蹣佇這堵矮牆仔跤，你若問我今年幾歲？講實在，連我家己嘛袂記得矣！

我嘛毋知家己底當時，又閣是按怎會流浪到遮，講起來這個所在的环境嘛無蓋四序。正手片是打馬膠路，倒手片是紅毛塗牆，我干焦會當佇中央這條細細縫的所在生存，若比起牆圍仔內彼檔葫蘆竹，我就有淡薄仔怨感。伊真正是食好做輕可，可惜伊並無照主人的向望食甲親像「阿不倒」，顛倒是一个面仔不時都黃 phi-phi。上好笑的是有幾若擺因為天氣傷熱，主人閣袂記得共沃水，到欲暗仔，伊就強欲蔭去，實在有夠無擋頭。

閣講著伊隔壁彼檔羅漢松的運命嘛無好甲佗位去，伊本底佇我的邊仔一塊較大的塗跤蹣甲好勢好勢。有一工主人看伊遮勢大，葉仔生甲茂茂茂閣青 ling-ling，就去攢一跤真嬌的花坵，共彼檔羅漢松挖去種。彼工羅漢松場 teh-teh，目尾共我掙一下，講伊就欲好命矣，有別莊通蹣囉，叫我家己愛保重。「你請！我無閒 hân！」啥人知影伊其實是蹣入去「套」房，跤路狹閣歹出入，連欲淋水都淋袂止喙焦。無佬久伊就變甲瘦枝落葉，有當時伊就探頭出來共我投，我干焦會當共講：「你家己較保重咧！」

看竹仔和羅漢松個兩個的遭遇，翻頭想我家己，雖然天生就是歹命罔，無人疼、無人晟，毋過阮嘛活甲真自在，規年迴天不時都咧開花。阮毋驚洇旱、毋驚空氣汙染，嘛無需要人共阮落肥，毋驚寒、毋驚熱，戇戇仔大，按呢哪有啥物通怨感咧？

人講：「有時星光，有時月明。」佇花草的世界敢毋是全款的道理咧？彼工主人對我邊仔經過，春風替我拍拍，粉紅粉紅的笑容，連我家己嘛感覺足迷人的。主人看我古錐的模樣，趕緊越頭行入去厝內，一時仔隨閣出來跑佇我的身軀邊替我翕相，主人歡喜甲笑 bún-bún，我若像聽著伊咧呵佬講：「嘿！這檔日日春毋但是日日春，又閣是年年春呢！」

作者：林昭慧

☆詞彙學習☆

【四序】sù-sī：井井有條、妥當。讓人覺得舒服安適的感覺。

【打馬膠路】tá-má-ka-lōo：又唸作 tiám-má-ka-lōo。柏油路。以柏油、砂石等鋪成的道路。

【怨感】uàn-tsheh/uàn-tshueh：怨恨。因為委屈而覺得悲傷、埋怨。

【輕可】khin-khó：輕鬆。形容工作輕鬆、簡單，沒什麼壓力。

【花坵】hue-khann：花盆。

【晟】tshiânn：教導、養育。

【洇旱】khó-huānn：又唸作 khò-huānn。大旱、旱災。長期不雨所造成的嚴重乾旱。